

GTAPEGIACAN

Gemetginag Sent Ann gis sag alsosit,
Genglgoina ninasonsepeniga,
Oetjategemg na metj atji gsalgosit,
Ag metj gesalnog elnoegatig.

Maoitot

Petjltm sapeoln Sent Ann,
Apôgônemoin teligenan.

Sent Anal tan mo peli mselmagol
Eli gtantôg omimatjoagan,
Mateo poni siaoi notjeiagol,
Ma segoenog elogôoagan.

Igasomatji etjelôtiltiti,
Esematji geolsoltilitji,
Aogtigemoatji alitalitji,
Angoeloatji oenmatjôtiltiti.

Setaneolgtog akagtegeoinog
Tethi oetjtititji oli gômi,
Eopeniag mtoamgoasigtog,
Ag gotjotigtog eligasoti.

Oantagôti gigenag tetligatig,
Olgoitjagan ag gesaltimgeoei;
Meloitj apigsigtematin pegoatôg
Ogoaioti ag ôplaltimgeoei.

Tet ogtalasotmôgoômigtog
Gogomitjino natemtôgoaltji
Tesilitji, tan olôti milamog
Tesipongeg penegonemoatji.

Lôg gesalogo ag angitelmogo,
Tes gamlamim getoi olimogo,
Tan teloisit geseoli otmago
Tesiglegeg, ag elp eolgmago.

Ogplaganeg tóg oelitasoltigo
Ag negem mo poni olelologo;
Me sgato oetji onmatjitasoltigo
Pemi gsalogo mo gisi nemlaogo.

Maolamog na opesgemgeoeiem,
Tepetog lami mgamlamonigtog
Me gelosit gogomitjino negem,
Tjel agai! mo pa na tepianog.

Oitji tgoeolg tes igag setaneolmg
Sgato tanog gisi nemlatesno?
Geget gaglag ola pestleiomg,
Atio nogomitjnen, atio!

MIGOITETIMOTIGO

Tapositjig tepgenosetjig tet mao
olgasitjig, golaman ma olgasitnog apa
solnaltitji glapis lgat matjagtolgos.

AGNOTEMAGANTJITJEL

LISTOGOTJG—6 tes—tethi malicoi-
genig Tjim Malsan ag Anselig Gen-
teo. Pigoelgig inog api alôtasoltitjig.
Eli gisgatjeim getoi setaneolmgel.
Agantieolmgel getoi setaneolmgel tli-
sip pilel motpotil ntaeten. Ag nagoeg
gisi setaneolmgel, patlias matjasiteo,
li ginamoeteo maligômigtog sisteoei el-
ogotimgel oelagoa, lnoi menigog ona-
magig goeltamolimgel oelagoa, miap-
ogeg gtagamgog sisteoei oelagoa, 4 tes.
oetjgoet tepgenoset. Gisi ppoatôg li
mitgogoeteo tasiget atjietjel natoagneg.

Gisigo Sôsep Pigiel tan geget 60 tes-
ipongeg tell pgtapegiet Setaneoei al-
asotmôgoômig listogotjga, tet mesoi
moloalot tan—11 tes. Set. tepg.—igne-
moasenei lnoi patliasel tapogol olgat-
igenet losgenet sagaoel tanel lôg megi-
tetasisel.

NATOAGNEG—5 tepg—notjinen pa-
tlias teloei, mesig setaneoei gogon-
tesno 26 tjolala, patlias alames elt-
oteo, ag toatalat oestaolgoa na totjloa
petaosoltigoa, na 27 tjolal pignieoiteno
ag 28 tes. glapis nesogonaga. Na tel-
oet, na nin tli apôgenmates alasotoô-
goôma, nitjantot. Na peoatemeg iga-
ton solnaltitjoga, golaman mset oen no-
tmateo. Ag natoagneg plitj eltasig,
gapelnôl eltôg ag ninen eltoeg aotia,
ag gis teoiagl aptaisemntel oitji pig-
nia. Maoi msegigteteo ola osigamoa
pignia meta amsgoeoeola na natoag-
ngeoeia. Nin T. S. N.

Maoi gelosit tan oetjgoigognget no-
tji ginamoet sgollitogoa ag alsotoô-
goômga, oeli apôgnemoinamet getape-
giemgeoeia.

INOI MENIGOG EPEGOITG—agis-
igos 20 tesogniteg—Tate Pielsgôg nep-
gag.

Sagepgeigos 2 iteg—Sôsep Plansoe-
ôg nepgag, gis sag etli sagmaoisena
epegotg ag alasotmôgoômigtog etli ni-
gani malleoeitag. Oelmetôg tjine mog
mesnemittig oeli nlmamgeoeieg.

GTJIGANG gontoeigtog inoeiei aoip-
sgatasig—tjon 27 tes. 1909—gisigoag
nepgag teloisitag Sôsep Lapôp malig-
oetjga. Sgemtog eptesag nepgag tel-
oisitag Ann Tose teleiag Setenia nin
otanemga etli npegag esgisôgniga. (S.
M. S.)

ESGISÔGNIG onamagig—tepg. plie-
eolmgoeol 22 itjel—alasotmôgoôm soel
neogtel tetoteg ag nîpena, pa sig eta
metj pemi atjelatemeg logôoagentitjga
meta metoasig solleoetjlitj. Telelig
onamaglia môgoe logôoageninog.